

Diweddariad Chwarterol Ystadegau Cymru

Diweddariad PCYC – 3 Mai 2018

Dyma'r diweddaraif mewn cyfres o ddiweddariadau chwarterol i ddefnyddwyr ystadegau o Gymru ar ein datblygiadau, ein hymgyngoriadau a'n cynlluniau diweddaraif.

Ceir rhestr lawn o'n cyhoeddiadau mwyaf diweddar [ar ein calendr cyhoeddiadau](#)

Cyfiawnder Cymdeithasol a Chydraddoldeb

Mynegai Amddifadedd Lluosog Cymru (WIMD)

Rydym yn brysur gyda gwaith datblygu WIMD 2019, yn trefnu cyfarfodydd i grwpiau o arbenigwyr, rhanddeiliaid a defnyddwyr, ac yn siarad am y gwaith hwn mewn amryw o fforymau, gan gynnwys PCYC. Y garreg filltir nesaf fydd cynnal ymgynghoriad cyhoeddus yn yr hydref. Oherwydd y gwaith hwn a nifer o faterion yn ymwneud â data, ni fyddwn yn cyhoeddi unrhyw ddiweddariadau pellach ar gyfer dangosyddion yn 2018. Mae mwy o fanylion am hyn i'w gweld [ar ein gwefan](#).

Cartrefi Islaw'r Incwm Cyfartalog (HBAI)

Diweddarodd yr Adran Gwaith a Phensiynau ei chyfres ar Gartrefi Islaw'r Incwm Cyfartalog ym mis Mawrth 2018, a gwnaethom gyhoeddi'r [ffigurau allweddol ar gyfer Cymru](#). Rydym yn dechrau gweithio ar [ddadansoddiadau a thablau manwl](#) ynghylch data tlodi Cymru. Os oes gennych adborth neu syniadau am ddadansoddiadau newydd a allai fod yn ddefnyddiol, nawr yw'r amser i roi gwybod i ni.

Iechyd

Ystadegau Gwasanaethau Cymdeithasol

Mae'r allbynnau terfynol o gasgliadau data newydd y gwasanaethau cymdeithasol o dan Ddeddf Gwasanaethau Cymdeithasol a Llesiant (Cymru) wedi cael eu cyhoeddi. Mae'r rhain i'w gweld ar ein gwefan ac ar StatsCymru.

Mae modd gweld yr holl gyhoeddiadau drwy glicio [yma](#).

Mae'r Swyddfa Ystadegau Gwladol hefyd wedi cyhoeddi ystadegau ar gyfer [marwolaethau y gellir eu hosgoi](#) ar gyfer 2016

I gael rhagor o wybodaeth, [cysylltwch â:](#)

Trafnidiaeth

Cyhoeddiadau

Rydym wedi cyhoeddi datganiadau ar gyfer traffig ffyrdd, troseddwy'r moduro, yfed a gyrru, trafndiaeth y môr, anafusion ymhlith beicwyr modur, damweiniau beicwyr pedal, teithio llesol: cerdded a beicio, cerbydau gwasanaethau cyhoeddus, damweiniau ffyrdd cerddwyr, trafndiaeth rheilffyrdd, defnydd gorsafoedd rheilffordd, a safleoedd clwstwr damweiniau a damweiniau angheuol ar Rwydwaith Ffyrdd Traws-Ewropeaidd Cymru

Stats Cymru

Mae'r ychwanegiadau diweddaraif at setiau data StatsCymru yn cynnwys [cludo nwyddau ar y ffyrdd](#) ac [ystadegau chwarterol dros dro ar gyfer damweiniau ar y ffyrdd](#). Rydym hefyd wedi ychwanegu [data lefel damweiniau](#) (gyda chyfres o newidynnau nad ydynt yn sensitif). Hefyd diweddarwyd y setiau data canlynol: [traffig ffyrdd](#), [troseddwy'r moduro](#), [trafnidiaeth y môr](#), [cerbydau gwasanaethau cyhoeddus](#), a [trafnidiaeth rheilffyrdd](#).

Llesiant Cymru

Yn dilyn cyhoeddi adroddiad statudol cyntaf [Llesiant Cymru 2016-17](#), rydym wedi cynnal arolwg o ddefnyddwyr yr adroddiad ac rydym wrthi'n dadansoddi'r canlyniadau ar hyn o bryd. Rydym yn bwriadu cyhoeddi crynodeb o brif gasgliadau'r arolwg yn ystod y misoedd nesaf.

Rydym wedi parhau i ddiweddaru'r dangosyddion wrth i ddata newydd ddod ar gael. Ers cyhoeddiad mis Medi, mae dangosyddion 4, 7, 12, 16, 17 18, 21 a 31 ar y wefan wedi cael eu diweddaru. Mae dangosydd 13 wedi cael ei ddiwygio.

Bydd ail adroddiad Llesiant Cymru yn cael ei gyhoeddi ym mis Medi 2018.

Yr Economi a'r Farchnad Lafur

Proffiliau Rhanbarthol Marchnad Lafur ac Economaidd

Cyhoeddwyd y proffiliau rhanbarthol marchnad lafur ac economaidd diweddaraf ar 26 Ebrill 2018 – mae'r tablau Gwerth Ychwanegol Gros wedi cael eu diweddaru i gynnwys data awdurdodau lleol, ac mae gweddill y data sydd wedi eu rhyddhau wedi cael eu symleiddio i'w gwneud yn haws eu deall.

Gwerth Ychwanegol Gros (GVA)

Cyhoeddwyd data Gwerth Ychwanegol Gros ar gyfer 2016 ym mis Rhagfyr 2017 – mae'r Swyddfa Ystadegau Gwladol wedi darparu amcangyfrif sengl o'r Gwerth Ychwanegol Gros a elwir yn ddull cytbwys (GVA(B)), sy'n ddefnyddio cryfderau'r dulliau incwm (GVA (I)) a chynhyrchiant (GVA(P)). Mae'r amcangyfrifon hyn yn cael eu hystyried yn ystadegau arbrofol ar hyn o bryd, ond bellach y nhw yw dull Gwerth Ychwanegol Gros swyddogol y Swyddfa Ystadegau Gwladol.

Yr Amgylchedd a Thai

Arolwg Cyflwr Tai Cymru (WHCS)

Dechreuodd y gwaith maes ar 1 Awst, ac ar ôl 7 mis llwyddiannus mae'n debygol y caiff y 2,500 o archwiliadau eiddo angenrheidiol eu cwblhau erbyn diwedd mis Ebrill. Bydd y canlyniadau cyntaf ar gael yn yr hydref 2018, a bydd yr amcangyfrifon tlogi tanwydd wedi'u diweddaru erbyn diwedd 2018. Anfonwyd holiadur byr at randdeiliaid a defnyddwyr i ganfod y ffordd orau o ledaenu'r data. Caiff yr atebion eu dadansoddi ochr yn ochr â'r trafodaethau a gynhelir gyda'n cydweithwyr ym maes polisi. Cyhoeddir crynodeb o'r gwaith hwn, ynghyd â'n cynlluniau ar gyfer lledaenu data, ar ein tudalen gwefan yn ystod y misoedd nesaf.

Adnodd Dadansoddol y Stoc Tai yng Nghymru (HSAR)

Aethpwyd ati i ymgysylltu'n helaeth â defnyddwyr ar ddiwedd 2017, ac mae canlyniadau'r gwaith hwnnw wedi gwella'n dealltwriaeth o anghenion defnyddwyr ac wedi helpu i bennu amcanion clir ar gyfer Adnodd Dadansoddol y Stoc Tai (yr Adnodd). Y ffocws yn ystod hanner cyntaf 2018 yw datblygu dull o brofi cysyniad sy'n cysylltu'r setiau data sydd wedi eu cynhyrchu hyd yn hyn, gan ddatblygu porthol i ganiatáu i ddefnyddwyr allanol fynd at yr adnodd a datrys unrhyw broblemau technolegol sy'n ymwneud â chysylltu a chadw data. Caiff adroddiad cynnydd ar yr Adnodd ei gyhoeddi yn y gwanwyn, a bydd cais yn cael ei wneud i Bwyllgor Moeseg yr Ystadegydd Gwladol er mwyn cymeradwyo'r Adnodd yn foesebol.

Datganiadau Ystadegol am Dai

Am y tro, nid ydym yn dangos y data am ôl-ddyledion rent tai cymdeithasol ar ein gwefan oherwydd pryderon y gall rhywfaint o'r data a ddarparwyd gan landlordiaid cymdeithasol fod yn anghyson. Ar hyn o bryd, rydym yn gweithio gyda darparwyr y data i ddeall yr anghysondebau hyn, ac i gasglu data diwygiedig cyson.

Grŵp Ystadegau Tai Traws-lywodraethol

Ym mis Tachwedd 2017, cyhoeddodd y Swyddfa Rheoleiddio Ystadegau [adroddiad](#) yn ymdrin â'i hadolygiad strategol o werth cyhoeddus ystadegau am Dai a Chynllunio yn y DU. Yn dilyn hwnnw, cafodd grŵp ystadegau tai traws-lywodraethol ei greu i weithredu argymhellion a wnaed yn yr adroddiad hwnnw. Mae Llywodraeth Cymru yn cael ei chynrychioli ar y grŵp hwn, a gynhaliodd ei ail gyfarfod ar 22 Chwefror 2018.

Ystadegau Amaethyddol prawf wedi cael eu hychwanegu at StatsCymru

Ym mis Awst 2017, cafodd rhywfaint o ddata ynghylch [ystadegau amaethyddiaeth](#) ei ychwanegu at StatsCymru am y tro cyntaf. Mae'r data yn ymwneud ag amcangyfrifon ar gyfer 2014, ond y prif nod yw canfod i ba raddau y byddai rhyddhau data o'r fath yn werthfawr i ddefnyddwyr. Rydym yn gofyn am adborth ar fanylion y dadansoddiadau sy'n cael eu dangos a'r categorïau sydd ynddynt.

Arolwg Cenedlaethol

Canlyniadau a dadansoddiadau 2016-17

Ar 28 Mehefin 2017, fe wnaethom gyhoeddi'r [datganiad cyntaf](#) o arolwg 2016-17, ynghyd â thablau a siartiau yn ein [dangosydd canlyniadau excel](#). Ar ôl hynny, fe wnaethom gyhoeddi cyfres o allbynnau am bynciau penodol yn seiliedig ar ganlyniadau 2016-17: Ers y diweddariad diwethaf, rydym wedi cyhoeddi bwletinau ar y pynciau canlynol:

- [Lles meddyliol](#)
- [Clyw a gofal llygaid](#)
- [Gwasanaethau ambiwlans brys](#)
- [Gwasanaethau meddygon teulu](#)
- [Tlodi](#)

Byddwn hefyd yn cyhoeddi bwletin ar wasanaethau ysbyty ac addysg erbyn diwedd mis Mai. Mae modd gweld bwletinau blaenorol a rhai sydd ar y gweill ar [Wefan yr Arolwg Cenedlaethol](#):

Arolwg Cenedlaethol – 2017-18

Mae'r gwaith maes bellach wedi ei gwblhau; bydd y canlyniadau cyntaf yn cael eu cyhoeddi ddiwedd mis Mehefin 2018.

Arolwg Cenedlaethol – 2018-19

Mae cyfnod y gwaith maes wedi dechrau ac mae'r [pynciau](#) sydd wedi eu cynnwys i'w gweld ar ein gwefan.

Arolwg Cenedlaethol – 2019-20: Rydym wedi ddechrau datblygu holiadur 2019-20 yn ddiweddar. Mae'r cwestiynau sydd eisoes wedi eu cymeradwyo ar gyfer cael eu cynnwys i'w gweld [yma](#)

Mae rhagor o wybodaeth am yr arolwg ar gael ar [wefan yr Arolwg Cenedlaethol](#) neu drwy gysylltu â arolygon@llyw.cymru

Addysg

Cafodd yr allbynnau canlynol eu cyhoeddi ers y diweddariad diwethaf:

- [Canlyniadau arholiadau terfynol 2018](#)
- [Cyraeddiadau a'r hawl i brydau am ddim](#)
- [Cyflawniad academiaidd yn ôl nodweddion disgyblion](#)
- [Absenoldeb o ysgolion yn ôl nodweddion disgyblion](#)

Cafodd [Fy Ysgol Leol](#) ei diweddarau ar 31 Ionawr i gynnwys y diweddaraf am ganlyniadau Cyfnod Allweddol 4, presenoldeb, a chategoreiddio ysgolion.

Caeodd [yr ymgynghoriad](#) ar newidiadau i'r rheoliadau ar gyfer cyhoeddi canlyniadau asesiadau athrawon ar 30 Ionawr 2018. Bydd ymatebion i'r ymgynghoriad yn cael eu cyhoeddi yn nhymor haf yr ysgolion. Bydd y newidiadau hyn â goblygiadau ar gyfer cyhoeddi ystadegau swyddogol (gweler tudalen 8 y ddogfen ymgynghori). Fodd bynnag bydd yr holl ddata'n parhau i gael eu casglu a bydd dadansoddiadau'n parhau i fod ar gael ar gais.

Addysg bellach, dysgu seiliedig ar waith, a dysgu cymunedol i oedolion. Cyhoeddwyd datganiadau ystadegol a data StatsCymru ar gyfer tueddiadau dysgwyr, a deilliannau ar gyfer blwyddyn academiaidd 2016/17, ym mis Chwefror 2018.

Manylion Cyswllt ar gyfer Ystadegau Llywodraeth Cymru

Ymholiadau cyffredinol yn ymwneud ag ystadegau

E-bost: stats.info.desk@llyw.cymru Ffôn: 03000 604400

Yn benodol i'r pwnc

<http://gov.wales/statistics-and-research/about/contacts-statistics/?skip=1&lang=cy>

Twitter

<https://twitter.com/ystadegaucymru>

Gwasanaeth newyddion a hysbysiadau e-bost Llywodraeth Cymru

<http://gov.wales/news-alerts/?lang=cy>

Ymholiadau Gweinyddol

E-bost KASAdmin